



National 4
Course
Specification



Sònrachadh Cùrsa Eachdraidh Nàiseanta 4 (C737 74)

Bho Lùnastal 2013

An deasachadh seo: Giblean 2013, dreach 1.0

Faodar an sònrachadh seo ath-riochdachadh gu h-iomlan no ann am pàirt airson adhbharan foghlaim fhad 's nach fhaighear prothaid bhon ath-riochdachadh, agus, ma thèid pàirt dheth ath-riochdachadh, gun tèid aithne a thoirt don tùs. Faodar lethbhreacan a bharrachd den t-Sònrachadh Cùrsa seo luchdachadh a-nuas bho làrach-lìn SQA: www.sqa.org.uk.

Thoir fa-near nota air atharraichean aig deireadh Sònrachadh a' Chùrsa seo airson mion-fhiosrachadh mu atharraichean bhon dreach eile (far a bheil seo iomchaidh).

© Ùghdarras Theisteanas na h-Alba 2013

Cnàmhan a' Chùrsa

Tìotal a' Chùrsa: Eachdraidh Nàiseanta 4

SCQF: ìre 4 (24 puingeann creideis SCQF)

Còd a' Chùrsa: C737 74

Aonadan Riatanach

H205 74 Sgrùdadh Eachdraidheil: Alba (Nàiseanta 4)
6 puingeann creideis SCQF

H20C 74 Sgrùdadh Eachdraidheil: Breatainn (Nàiseanta 4)
6 puingeann creideis SCQF

**H20D 74 Sgrùdadh Eachdraidheil: An Roinn Eòrpa agus an Saoghal
(Nàiseanta 4)**
6 puingeann creideis SCQF

Aonad Luach-Leasaichte

H20E 74 Pìos-obrach Eachdraidh (Nàiseanta 4)
6 puingeann creideis SCQF

Tha an Cùrsa seo a' gabhail a-steach sia puingeann creideis SCQF airson measadh air luach-leasaichte san Aonad Luach-Leasaichte. Tha fiosrachadh a bharrachd mun Aonad seo ri fhaighinn san earrainn air Measadh.

Ìre tòiseachaidh

Gheibhear a-steach don Chùrsa seo le cead an ionaid. Ge-tà, bhiodh dùil gum biodh luchd-ionnsachaidh air na sgilean, agus an t-eòlas a dh'fheumar fhaighinn bho na teisteanasan a leanas no feadhainn cho-ionann, agus/no eòlas:

- ◆ Cùrsa Eachdraidh Nàiseanta 3 no Aonadan buntainneach bhon Chùrsa

A thaobh ionnsachadh agus eòlas ro-làimh, dh'fhaodadh eòlasan agus builean buntainneach a bhith nam bunait iomchaidh airson an Cùrsa seo a dhèanamh cuideachd. Tha tuilleadh fiosrachaidh air eòlasan agus builean buntainneach air a thoirt seachad ann an *Notaichean-taic a' Chùrsa*.

Adhartas

Dh'fhaodadh an Cùrsa seo no na h-Aonadan aige a bhith nan slighe air adhart gu:

- ◆ Cùrsa Eachdraidh Nàiseanta 5 no na h-Aonadan aige
- ◆ tuilleadh ionnsachaidh, cosnadh agus/no trèanadh

Tha tuilleadh mion-fhiosrachaidh anns an earrainn air Feallsanachd.

Co-ionannachd agus in-ghabhail

Tha an Sònrachadh Cùrsa seo air a dhealbh gus dèanamh cinnteach nach eil bacaidhean neo-riatanach ann ro ionnsachadh no measadh. Bu chòir feumalachdan luchd-ionnsachaidh fa leth a thoirt fa-near nuair a thatar a' planaigeadh eòlasan

ionnsachaidh, a' taghadh dòighean measaidh no a' cnuasachadh air fianais eile. Airson fiosrachadh a bharrachd, seall air *Notaichean-taic a' Chùrsa*.

Feallsanachd

Tha na Cùrsaichean Nàiseanta ùra agus ùraichte uile a' nochdadh luachan, adhbharan agus prionnsapalan Curraicealam airson Sàr-mhathais. Tha iad a' tairgsinn sùbailteachd, barrachd ùine airson ionnsachadh, fòcas nas fheàrr air sgilean agus a' cleachdadh ionnsachadh, agus cothrom airson pearsanachadh agus roghainn.

Annas a' Chùrsa seo, agus na h-Aonadan a tha nam pàirt dheth, bidh cuideam air leasachadh sgilean agus cleachdadh nan sgilean sin. Bidh dòighean measaidh co-rèireach, freagarrach agus a' cur air adhart sàr chleachdadh, a' leigeil le luchd-ionnsachaidh na h-irean as àirde a tha nan comas a ruighinn.

Tha an Cùrsa seo a' toirt chothroman do luchd-ionnsachaidh cumail orra a' faighinn agus a' leasachadh buadhan agus comasan nan ceithir comasachdan, cho math ri sgilean airson ionnsachadh, sgilean airson beatha agus sgilean airson obair.

Bheir na Cùrsaichean gu lèir cothroman do luchd-ionnsachaidh farsaingeachd, dùbhlàn agus cleachdadh a leasachadh, ach bidh fòcas agus cothromachd a' mheasaidh freagarrach airson an raoin cuspair.

Dàimh eadar an Cùrsa agus luachan, adhbharan agus prionnsapalan Curraicealam airson Sàr-mhathais

Tha an Cùrsa seo a' togail air prionnsapalan agus cleachdadh airson eòlas sòisealta agus thèid a leasachadh gu h-àraidh, ged nach ann buileach, fon cheann 'daoine, tachartasan san àm a dh'fhalbh agus comainn-shòisealta' taobh a-staigh nan eòlasan agus nam builean ann an raon curraicealaim eòlas sòisealta.

Ann an Eachdraidh, leasaichidh luchd-ionnsachaidh an tuigse air an t-saoghal le bhith ag ionnsachadh mu dhaoine eile, agus mu na luachan aca, aig amannan agus ann an àitean agus suidheachaidhean diofraichte.

Brosnaichidh an Cùrsa seo luchd-ionnsachaidh gus beachdan cudromach a leasachadh, a' gabhail a-steach: inntinn fhosgailte agus spèis do luachan, creideasan agus cultaran dhaoine eile; a bhith fosgailte do smaoineachadh agus bheachdan ùra; agus mothachadh air dleastanas agus saoranachd chruinneil.

Cuiridh an Cùrsa seo ri tuigse luchd-ionnsachaidh air a' chomann-shòisealta sa bheil iad beò 's ag obair, le bhith gan cuideachadh gus map a thogail den àm a dh'fhalbh, agus tuigse mhath fhaighinn air na forsaicean a tha air cumadh a thoirt don t-saoghal an-diugh.

Tha a bhith a' faighinn eòlas agus tuigse chuspaireil air tachartasan eachdraidheil aig cridhe a bhith a' cuideachadh luchd-ionnsachaidh gu bhith nan com-pàirtichean èifeachdach, cho math ri bhith toirt dhaibh barrachd misneachd nan ionnsachadh agus nam beatha-obrach fhèin.

Brosnaichidh Eachdraidh luchd-ionnsachaidh gus buadhan agus comasan nan ceithir comasachdan a leasachadh bho iomadh sealladh. Mar eisimpleir, thèid sealladh an luchd-ionnsachaidh a leudachadh agus bidh dùbhlàn romhpa coimhead air an t-saoghal ann an dòighean ùra. Fàsaidh a' mhisneachd aca nuair a thòisicheas iad

a' tuigsinn barrachd mun dearbh-aithne fhèin agus mun àite fhèin san t-saoghal cho-aimsireil. Togaidh luchd-ionnsachaidh frèam de eòlas agus tuigse eachdraidheil a chuidicheas iad gu mothachadh fhaighinn air saoranachd earbsach.

Bheir an obair rannsachaidh agus breithneachaidh sa Chùrsa seo eòlas cudromach do luchd-ionnsachaidh a thaobh a bhith a' cur ri obair-buidhne agus cuideachd a bhith ag obair air an ceann fhèin. Gheibh luchd-ionnsachaidh buadhan a bhios cudromach airson am beatha agus an obair.

Tro sgilean agus susbaint a' Chùrsa seo, mean air mhean leasaichidh luchd-ionnsachaidh sgilean litearrachd; a' leughadh theacsaichean eachdraidheil, a' sgrìobhadh chunntasan air cuspairean agus tachartasan eachdraidheil, cho math ri bhith a' cur ri obair-buidhne.

Leis gum bi fòcas air stòran, gheibh luchd-ionnsachaidh mothachadh air saoranachd earbsach.

Adhbhar agus amasan a' Chùrsa

'S e adhbhar a' Chùrsa seo an saoghal a dh'fhalbh fhosgladh do luchd-ionnsachaidh. Tha eachdraidh a' toirt lèirsinn do luchd-ionnsachaidh a thaobh am beatha fhèin agus a' chomainn-shòisealta agus an t-saoghail mhòir sa bheil iad beò.

Le bhith a' sgrùdadh an àm a dh'fhalbh, bidh tuigse nas fheàrr aig luchd-ionnsachaidh air na coimhearsnachdan aca fhèin, air an dùthaich agus air an t-saoghal mhòr. Le tuigse air a' bhun-bheachd leantailachd, bidh tuigse nas fheàrr aca air atharrachadh, agus a bhrìgh, an dà chuid nan latha fhèin agus san àm a dh'fhalbh.

Gheibh an luchd-ionnsachaidh farsaingeachd agus doimhne san eòlas agus san tuigse aca air an àm a dh'fhalbh le bhith a' sgrùdadh cho-theacsaichean mu Alba, mu Bhreatainn, mun Roinn Eòrpa agus mun t-Saoghal ann an linntean eadar-dhealaichte. Tha na roghainnean a' còmhach chuspairean bho na Meadhan-Aoisean, an Nuadh-aois Thràth agus an Nuadh-aois Anmoch, agus a' gabhail a-steach eileamaidean de dh'eachdraidh phoiliteach, shòisealta, eaconamach agus chultarail. Faodar am modh a thèid a leasachadh agus an tuigse a gheibhear a chleachdadh le suidheachaidhean agus cùisean eachdraidheil eile.

'S iad prìomh amasan a' Chùrsa na leanas a leasachadh:

- ◆ tuigse bhun-bheachdail air an àm a dh'fhalbh
- ◆ grunn sgilean, a' gabhail a-steach comas sealladh eachdraidheil neo-fhillte a chleachdadh, agus beachd a thoirt air stòran eachdraidheil, ann an grunn cho-theacsaichean
- ◆ eòlas agus tuigse neo-fhillte air na cùisean a tha a' cur ri, agus a' bhuidhne a tha aig, tachartasan eachdraidheil
- ◆ sgilean ann a bhith a' rannsachadh thachartasan eachdraidheil agus a' tighinn gu beachd
- ◆ sgilean ann a bhith a' mineachadh thachartasan eachdraidheil, agus a' tighinn gu co-dhùnaidhean neo-fhillte

Fiosrachadh mu luchd-ionnsachaidh àbhaisteach a dhèanadh an Cùrsa

Tha Cùrsaichean Eachdraidh buntainneach airson tòrr luchd-ionnsachaidh diofraichte. Tha an Cùrsa seo freagarrach dhaibhsan a tha airson tuigse fhaighinn air eachdraidh no a tha airson a dhol air adhart gu sgrùdadh eachdraidheil speisealaichte.

Gheibhear a-steach don Chùrsa seo le cead an ionaid. Ge-tà, 's dòcha gum bi e feumail do luchd-ionnsachaidh na sgilean agus an t-eòlas a bhith aca a chaidh a leasachadh tro eòlasan agus builean buntainneach bhon fhoghlam fharsaing choitcheann no teisteanasan co-ionann.

Tro bhith a' coileanadh a' Chùrsa seo gu soirbheachail, thèid sgilean cudromach airson ionnsachadh, beatha agus obair a leasachadh. Am measg nan sgilean sin tha: a' rannsachadh, a' tuigse agus a' cleachdadh beagan stòran fiosrachaidh neo-fhillte; a' mìneachadh fiosrachadh mu chuspairean agus thachartasan eachdraidheil cudromach; agus a' cur cho-dhùnidhean stèidhte air fianais an cèill, ann an caochladh dhòighean.

Gabhaidh na Cùrsaichean gu lèir san t-sreath seo ealla ri feumalachdan luchd-ionnsachaidh gu lèir agus bheir iad sùbailteachd gu leòr gus leigeil le luchd-ionnsachaidh coileanadh ann an dòighean eadar-dhealaichte agus aig luaths eadar-dhealaichte.

Tha Aonadan agus Cùrsaichean Eachdraidh gan tabhann bho SCQF ìre 3 gu SCQF ìre 7. Gabhaidh adhartas dìreach a dhèanamh tro na h-ìrean de theisteanasan Eachdraidh agus tarsainn gu teisteanasan eile san t-sreath de Chùrsaichean ann an eòlas sòisealta.

Leigidh Cùrsa Eachdraidh Nàiseanta 4 luchd-ionnsachaidh a-steach gu tuilleadh ionnsachaidh, cosnadh agus trèanadh. Tha an Cùrsa seo na ullachadh airson tòrr obraichean agus dhreuchdan eadar-dhealaichte.

Structar a' Chùrsa agus cumhachan coileanaidh

Structar a' Chùrsa

Leasaichidh an Cùrsa seo grunn sgilean inntinneil. Brosnaichidh e ionnsachadh gnìomhach fhad 's a tha e a' leasachadh tuigse air daoine agus comann-sòisealta san àm a dh'fhalbh. Togaidh agus cleachdaidh luchd-ionnsachaidh eòlas buntainneach agus ionnsaichidh iad mar a chleachdas iad sgilean ann an rannsachadh, mion-sgrùdadh agus luachadh air stòran gus tachartasan agus cuspairean eachdraidheil cudromach a thuigsinn agus a mhìneachadh.

Tha ceithir Aonadan riatanach sa Chùrsa seo, a' gabhail a-steach an Aonaid Luach-Leasaichte. Am broinn gach Aonaid tha sùbailteachd a thaobh cho-theacsaichean agus chuspairean a dh'fhaodar sgrùdadh gus pearsanachadh agus roghainn a cheadachadh.

Le bhith a' dèanamh a' Chùrsa seo leasaichidh luchd-ionnsachaidh tòrr sgilean cudromach a ghabhas toirt tarsainn, a' gabhail a-steach: a' rannsachadh, a' tuigsinn agus a' cleachdadh beagan de stòran fiosrachaidh; a' mìneachadh fiosrachadh mu chuspairean/thachartasan eachdraidheil; agus a' cur cho-dhùnaidhean stèidhte air fianais an cèill, ann an caochladh dhòighean.

Thèid na sgilean gu h-àrd a leasachadh agus a chleachdadh tarsainn air grunn cho-theacsaichean eachdraidheil. Bheir gach Aonad cothroman cuideachd do luchd-ionnsachaidh a bhith ag amas air sgilean sònraichte.

Tha Aonadan nan cunntasan air slatan-tomhais airson measadh, 's chan ann nam prògraman ionnsachaidh agus teagaisg. Gabhaidh an libhrigeadh ann an grunn dhòighean.

Sgrùdadh Eachdraidheil: Alba (Nàiseanta 4)

San Aonad seo, leasaichidh luchd-ionnsachaidh dòighean gus beachd a thoirt air stòran eachdraidheil. Faodar tachartasan agus cuspairean ann an eachdraidh na h-Alba a sgrùdadh bho na Meadhan-Aoisean, an Nuadh-aois Thràth no an Nuadh-aois Anmoch. Gheibh luchd-ionnsachaidh eòlas agus tuigse air raon sgrùdadh eachdraidheil.

Sgrùdadh Eachdraidheil: Breatainn (Nàiseanta 4)

San Aonad seo, leasaichidh luchd-ionnsachaidh dòighean gus beachd a thoirt air buaidh leasachadh eachdraidheil. Faodar tachartasan agus cuspairean ann an eachdraidh Bhreatainn a sgrùdadh bho na Meadhan-Aoisean, an Nuadh-aois Thràth no an Nuadh-aois Anmoch. Gheibh luchd-ionnsachaidh eòlas agus tuigse air raon sgrùdadh eachdraidheil.

Sgrùdadh Eachdraidheil: An Roinn Eòrpa agus an Saoghal (Nàiseanta 4)

San Aonad seo, leasaichidh luchd-ionnsachaidh dòighean gus beachd a thoirt air cùisean a tha a' cur ri leasachadh eachdraidheil. Faodar tachartasan agus cuspairean ann an eachdraidh na Roinn Eòrpa agus an t-Saoghail a sgrùdadh bho na Meadhan-Aoisean, an Nuadh-aois Thràth no an Nuadh-aois Anmoch. Gheibh luchd-ionnsachaidh eòlas agus tuigse air raon sgrùdadh eachdraidheil.

Aonad Luach-Leasaichte: Pìos-obrach Eachdraidh (Nàiseanta 4)

San Aonad seo, taghaidh luchd-ionnsachaidh fhèin cuspair airson sgrùdadh pearsanta air a thoirt bho cho-theacsaichean mu Alba, mu Bhreatainn, mun Roinn Eòrpa agus mun t-Saoghal. Rannsaichidh iad an cuspair a thagh iad agus cuiridh iad na toraidhean an cèill. Tron obair seo, bidh cothroman aca barrachd doimhne, no leudachadh air eòlas, tuigse agus sgilean eachdraidheil a shealltainn, agus iad a' togail bhon eòlas, tuigse agus sgilean a fhuair iad sna h-Aonadan eile den Chùrsa.

Cumhachan coileanaidh

Gus Cùrsa Eachdraidh Nàiseanta 4 a choileanadh, feumaidh luchd-ionnsachaidh gach Aonad riatanach a phasaigeadh, a' gabhail a-steach an Aonaid Luach-Leasaichte. Chithear na h-Aonadan riatanach ann an earrann cnàmhan a' Chùrsa.

Chan eil Cùrsaichean Nàiseanta 4 air an rangachadh.

Sgilean, eòlas agus tuigse

Thèid làn sgilean, eòlas agus tuigse airson a' Chùrsa a thoirt seachad ann an *Sònrachadh an Aonaid Luach-Leasaichte*. Tha tar-shealladh farsaing air na sgilean cuspair, an eòlas, agus an tuigse riatanach a thèid a mheasadh sa Chùrsa, anns an earrainn seo.

Tha seo a' còmhachadh:

- ◆ a' leasachadh agus a' cleachdadh sgilean, eòlas agus tuigse neo-fhillte ann an co-theacsaichean bho eachdraidh na h-Alba, Bhreatainn, na Roinn Eòrpa/an t-Saoghail
- ◆ a' toirt beachd air tùs agus susbaint stòran eachdraidheil ann an dòigh neo-fhillte
- ◆ a' toirt beachd air buaidh leasachaidhean eachdraidheil ann an dòigh neo-fhillte, agus a' taisbeanadh fiosrachadh gu h-òrdail
- ◆ a' toirt beachd air na cùisean a tha a' cur ri leasachaidhean eachdraidheil, agus a' tighinn gu co-dhùnaidhean neo-fhillte
- ◆ le stiùireadh, a' rannsachadh agus a' cleachdadh fiosrachadh a chaidh a chruinneachadh bho ghrunn stòran eachdraidheil agus a' taisbeanadh thoraidhean
- ◆ a' leasachadh eòlas agus tuigse fhirinneach neo-fhillte air cuspairean agus tachartasan eachdraidheil ann an co-theacsaichean mu Alba, mu Bhreatainn, mun Roinn Eòrpa agus mun t-Saoghal

Bidh sgilean, eòlas agus tuigse a bhios sa Chùrsa a rèir ìre SCQF a' Chùrsa. Bheir sònrachaidhean ìre SCQF tuilleadh fiosrachaidh air feartan agus coileanadh ris am bi dùil aig gach ìre SCQF.

(www.sqa.org.uk/scqf)

Measadh

Tha fiosrachadh mu mheasadh airson a' Chùrsa ann an *Sònrachadh Measadh a' Chùrsa*. Bheir seo seachad làn mhion-fhiosrachadh, a' gabhail a-steach comhairle air mar a thèid buileachadh iomlan neach-ionnsachaidh airson a' Chùrsa a dhearbhadh.

Measadh Aonaid

Tha in-mheasadh ga dhèanamh air gach Aonad mu choinneamh nan cumhachan a chithear ann an Sònrachadh an Aonaid.

Faodar am measadh Aonad mu seach no le co-mheasadh.

Thèid am measadh soirbheachail/neo-shoirbheachail anns na h-ionadan fhèin. Nì SQA dearbhadh-càileachd mionaideach, a' gabhail a-steach dearbhadh a-muigh, gus dèanamh cinnteach gu bheil am breithneachadh measaidh cunbhalach agus a rèir ìrean nàiseanta.

Bidh measadh nan Aonadan sa Chùrsa seo mar a leanas:

Sgrùdadh Eachdraidheil: Eachdraidh na h-Alba (Nàiseanta 4)

Bidh aig an neach-ionnsachaidh ri fianais a shealltainn air:

- ◆ comas beachd a thoirt air stòran eachdraidheil ann an dòigh neo-fhillte, a' gabhail ealla ris an tùs agus ris an t-susbaint aca
- ◆ tuairisgeulan agus mìneachaidhean a' sealltainn eòlas agus tuigse fhìrinneach neo-fhillte air cuspairean agus tachartasan taobh a-staigh raon de dh'eachdraidh na h-Alba

Sgrùdadh Eachdraidheil: Eachdraidh Bhreatainn (Nàiseanta 4)

Bidh aig an neach-ionnsachaidh ri fianais a shealltainn air:

- ◆ comas beachd a thoirt air buaidh leasachadh eachdraidheil ann an dòigh neo-fhillte, agus fiosrachadh a thaisbeanadh gu h-òrdail
- ◆ tuairisgeulan agus mìneachaidhean neo-fhillte a' sealltainn eòlas agus tuigse fhìrinneach air cuspairean agus tachartasan taobh a-staigh raon de dh'eachdraidh Bhreatainn

Sgrùdadh Eachdraidheil: An Roinn Eòrpa agus an Saoghal (Nàiseanta 4)

Bidh aig an neach-ionnsachaidh ri fianais a shealltainn air:

- ◆ comas beachd a thoirt ann an dòigh neo-fhillte air na cùisean a tha a' cur ri leasachadh eachdraidheil, agus a thighinn gu co-dhùnadh neo-fhillte
- ◆ tuairisgeulan agus mìneachaidhean a' sealltainn eòlas agus tuigse fhìrinneach neo-fhillte air cuspairean agus tachartasan taobh a-staigh raon de dh'eachdraidh na Roinn Eòrpa agus an t-Saoghail

Tha eisimpleirean de dhòighean measaidh airson nan Aonadan seo rim faighinn sa *Ghoireas Measaidh Nàiseanta*.

Aonad Luach-Leasaichte

Tha measadh air luach-leasaichte ann an Cùrsaichean bho Nàiseanta 4 gu Àrd-ire Adhartach. Aig Nàiseanta 4, thèid luach-leasaichte a mheasadh ann an Aonad Luach-Leasaichte. Dèiligidh an t-Aonad Luach-Leasaichte ri prìomh adhbharan agus amasan a' Chùrsa mar a tha iad gam mìneachadh ann am Feallsanachd a' Chùrsa. Nì e seo le bhith a' dèiligeadh ri aon no barrachd à farsaingeachd, dùbhlán no cleachdadh.

Ann an Cùrsa Eachdraidh Nàiseanta 4, cuiridh an t-Aonad Luach-Leasaichte fòcas air:

- ◆ dùbhlán
- ◆ cleachdadh

Leudaichidh agus cleachdaidh an luchd-ionnsachaidh na sgilean, an t-eòlas agus an tuigse a tha iad air faighinn tron Chùrsa. Thèid seo a mheasadh le pìos-obrach anns am feum luchd-ionnsachaidh na sgilean, an t-eòlas agus an tuigse aca a leudachadh agus a chleachdadh, agus bidh e fosgailte gu leòr gus pearsanachadh agus roghainn a cheadachadh.

Bidh eisimpleirean de dhòighean measaidh airson Aonadan rim faighinn anns a' *Ghoireas Measaidh Nàiseanta*.

Leasachadh sgilean airson ionnsachadh, sgilean airson beatha agus sgilean airson obair

Tha dùil gun leasaich luchd-ionnsachaidh sgilean farsaing, coitcheann tron Chùrsa seo cuideachd. Tha na sgilean a bhios luchd-ionnsachaidh a' leasachadh agus a' leudachadh tron Chùrsa stèidhte air *Skills Framework: Skills for Learning, Skills for Life and Skills for Work* le SQA agus tha iad bho na prìomh raointean sgilean gu h-ìosal. Feumar iad seo fhisge a-steach don Chùrsa far a bheil cothroman iomchaidh ann.

1 Litearrachd

1.1 Leughadh

4 Comas-obrach, iomairt agus saoranachd

4.6 Saoranachd

5 Sgilean smaoineachaidh

5.2 A' tuigsinn

5.3 A' cleachdadh

Tha leudachadh air na sgilean seo ri fhaighinn ann an *Skills Framework: Skills for Learning, Skills for Life and Skills for Work* le SQA. Bidh ìre nan sgilean sin iomchaidh airson ìre a' Chùrsa. Tha tuilleadh fiosrachaidh mu bhith a' fighe a-steach sgilean airson ionnsachadh, sgilean airson beatha agus sgilean airson obair airson a' Chùrsa ri fhaighinn ann an *Notaichean-taic a' Chùrsa*.

Fiosrachadh rianachd

Foillsichte: Giblean 2013 (dreach 1.0)

Eachdraidh atharraichean ann an Sònrachadh a' Chùrsa Nàiseanta

Mion-fhiosrachadh a' Chùrsa	Dreach	Iomradh air an atharrachadh	Ùghdarrachtaiche	Deit